

**Հայաստանի Հանրապետության պաշտպանության  
նախարարությանն արտաբյուջետային միջոցների  
հաշիվ բացելու թույլտվություն տալու և այդ  
հաշվում գումարների մուտքագրման ու ծախսերի  
իրականացման կարգը սահմանելու, ինչպես նաև  
Հայաստանի Հանրապետության կառավարության  
2004 թվականի մարտի 4-ի N 318-Ն որոշման մեջ  
լրացում կատարելու մասին**

Նախագիծ

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅՈՒՆ

ՈՐՈՇՈՒՄ

2018 թվականի N -Ն

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՊԱՇՏՊԱՆՈՒԹՅԱՆ ՆԱԽԱՐԱՐՈՒԹՅԱՆ  
ԱՐՏԱԲՅՈՒՋԵՏԱՅԻՆ ՄԻՋՈՑՆԵՐԻ ՀԱՇԻՎ ԲԱՑԵԼՈՒ ԹՈՒՅԼՏՎՈՒԹՅՈՒՆ ՏԱԼՈՒ  
ԵՎ ԱՅԴ ՀԱՇՎՈՒՄ ԳՈՒՄԱՐՆԵՐԻ ՄՈՒՏՔԱԳՐՄԱՆ ՈՒ ԾԱԽՍԵՐԻ ԻՐԱԿԱՑՄԱՆ  
ԿԱՐԳԸ ՍԱՀՄԱՆԵԼՈՒ, ԻՆՉՊԵՍ ՆԱԵՎ ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ  
ԿԱՌԱՎԱՐՈՒԹՅԱՆ 2004 ԹՎԱԿԱՆԻ ՄԱՐՏԻ 4-Ի N 318-Ն ՈՐՈՇՄԱՆ ՄԵՋ ԼՐԱՑՈՒՄ  
ԿԱՏԱՐԵԼՈՒ ՄԱՍԻՆ

Ղեկավարվելով «Հայաստանի Հանրապետության բյուջետային համակարգի  
մասին» Հայաստանի Հանրապետության օրենքի 15-րդ հոդվածի 9-րդ կետով և  
«Ձորամասերի և գինվորական հաստատությունների կարգավիճակի մասին»  
Հայաստանի Հանրապետության օրենքի 5-րդ հոդվածի 7-րդ մասով՝  
Հայաստանի Հանրապետության կառավարությունը որոշում է.

1. Թույլատրել Հայաստանի Հանրապետության պաշտպանության  
նախարարությանն իրեն սպասարկող Հայաստանի Հանրապետության  
ֆինանսների նախարարության գանձապետարանում բացել  
Հայաստանի Հանրապետության պաշտպանության նախարարության  
և Հայաստանի Հանրապետության պաշտպանության  
նախարարության ռազմաբժշկական հաստատությունների անվամբ  
արտաբյուջետային միջոցների մուտքերի և ծախսերի առանձնացված  
բանկային հաշիվ՝ Հայաստանի Հանրապետության պաշտպանության  
նախարարության ռազմաբժշկական հաստատությունների կողմից  
բժշկական օգնության և սպասարկման վճարովի ծառայությունների

դիմաց ստացվող վճարների մուտքագրման ու ծախսերի իրականացման նպատակով:

2. Սահմանել, որ`

1) արտաբյուջետային միջոցները գոյանում են Հայաստանի Հանրապետության պաշտպանության նախարարության ռազմաբժշկական հաստատությունների կողմից բժշկական օգնության և սպասարկման վճարովի ծառայությունների դիմաց (ներառյալ` համավճարի և սոցիալական փաթեթի շրջանակներում ապահովագրական ընկերությունների կողմից տրամադրվող) վճարումներից,

2) Հայաստանի Հանրապետության պաշտպանության նախարարության ռազմաբժշկական հաստատությունների անվամբ արտաբյուջետային միջոցների մուտքերի հաշվի մնացորդը յուրաքանչյուր ամսվա վերջին աշխատանքային օրը, իսկ դեկտեմբեր ամսվա համար` մինչև դեկտեմբերի 20-ը, փոխանցվում են Հայաստանի Հանրապետության պաշտպանության նախարարության անվամբ բացված արտաբյուջետային միջոցների մուտքերի հաշվեհամարին,

3) արտաբյուջետային հաշվի միջոցները տնօրինվում են Հայաստանի Հանրապետության պաշտպանության նախարարի կողմից հաստատված նախահաշվին համապատասխան` բժշկական օգնություն և սպասարկում իրականացրած անձնակազմին խրախուսման և Հայաստանի Հանրապետության պաշտպանության նախարարության ռազմաբժշկական հաստատությունների գործունեության ապահովման ուղղություններով,

4) Հայաստանի Հանրապետության պաշտպանության նախարարության ռազմաբժշկական հաստատությունների բժշկական օգնություն և սպասարկում իրականացրած անձնակազմին արտաբյուջետային միջոցներից խրախուսման չափերը նախատեսվում են «Չորամասերի և զինվորական հաստատությունների կարգավիճակի մասին» Հայաստանի Հանրապետության օրենքի 5-րդ հոդվածի 7-րդ մասի պահանջների համաձայն Հայաստանի Հանրապետության պաշտպանության և Հայաստանի Հանրապետության առողջապահության նախարարների համատեղ հրամանով սահմանվող ռազմաբժշկական հաստատությունների կողմից քաղաքացիների բժշկական օգնության և սպասարկման վճարովի ծառայությունների մատուցման կարգում և պայմաններում:

3. Հայաստանի Հանրապետության կառավարության 2004 թվականի մարտի 4-ի «Պետության կողմից երաշխավորված անվճար և արտոնյալ պայմաններով բժշկական օգնության և սպասարկման մասին» N 318-Ն որոշման 1-ին կետի 1-ին ենթակետում լրացնել նոր նախադասություն` հետևյալ բովանդակությամբ.

«Հայաստանի Հանրապետության պաշտպանության նախարարության ռազմաբժշկական հաստատությունների կողմից մատուցված պետության կողմից երաշխավորված անվճար և արտոնյալ պայմաններով բժշկական օգնության և սպասարկման ծառայությունները կազմակերպվում են Հայաստանի Հանրապետության առողջապահության նախարարի և Հայաստանի Հանրապետության պաշտպանության նախարարի համատեղ

հրամանի և վարչական ակտի հիման վրա:»:

4. Սույն որոշումն ուժի մեջ է մտնում պաշտոնական հրապարակմանը հաջորդող օրվանից: